

Tuhan Yesus Kristus akan kembali ke bumi tidak lama lagi. Ini adalah janji-Nya semasa berada di bumi lebih 2,000 tahun yang lalu (Yohanes 14:1-3). Bagaimanakah kita pasti Tuhan Yesus akan kembali semula seperti yang dijanji-Nya? Sila baca nubuatan - nubuatan (ramalan) yang dinyatakan sendiri oleh Tuhan Yesus Kristus mengenai apa yang akan berlaku bila zaman akhirat tiba. Bacalah ayat-ayat injil berikut dengan teliti dan membuat perbandingan mengenai kejadian-kejadian yang sedang berlaku di merata dunia pada zaman sekarang. Kesemua ini akan membuktikan yang Tuhan Yesus Kristus akan kembali dalam jangka hayat kita.

1 KERUNTUHAN RUMAH IBADAT

Ketika Yesus meninggalkan Rumah Ibadat, seorang daripada para pengikut-Nya berkata, "Guru, lihatlah! Betapa indahnya batu-batu dan bangunan - bangunan ini!" Yesus menjawab, "Kamu melihat bangunan - bangunan yang indah ini, bukan? Satu batu pun tidak akan tinggal tersusun pada tempatnya. Semuanya akan dirobohkan" (Mat 24:1-2; Mrk 13:1-2; Luk 21:5-6). **Kejadian Ini telah benar-benar berlaku pada tahun 70 S.M. (Selepas Masihi).**

2 TANDA-TANDA KEDATANGAN

Kemudian Yesus pergi ke Bukit Zaitun lalu duduk di tempat yang berhadapan dengan Rumah Tuhan. Petrus, Yakobus, Yohanes dan Andreas datang kepada-Nya. Mereka berkata kepada Yesus, "Guru, beritahulah kami; bilakah semua perkara ini akan berlaku? Apakah tanda-tanda yang menunjukkan bahawa masanya sudah tiba?" (Mat 24:3; Mrk 13:3-4; Luk 21:7)

3 PENIPUAN AKAN MUNCUL

Yesus berkata, "Berjaga-jagalalah supaya kamu tidak tertipu. Orang akan datang dengan nama-Ku dan berkata, 'Akulah Dia! Kristus!' dan 'masanya sudah tiba!' Jangan ikut mereka (Mat 24:4-5; Mrk 13:5-6; Luk 21:8).

4 PEPERANGAN DAN KHABAR PEPERANGAN

Kamu akan mendengar riuh pertempuran dan berita peperangan, tetapi janganlah takut. Semua perkara ini mesti berlaku, tetapi hal itu tidak bererti bahawa akhir zaman telah tiba (Mat 24:6; Mrk 13:7; Luk 21:9).

5 PERANG ETNIK | GEMPA BUMI | KEBULURAN | WABAK (PENYAKIT)

Yesus berkata lagi, "Bangsa yang satu akan berperang melawan bangsa yang lain dan kerajaan yang satu akan menyerang kerajaan yang lain. Di pelbagai tempat akan berlaku gempa bumi yang dahsyat, kebuluran, dan wabak. Akan berlaku juga pelbagai perkara yang menakutkan dan luar biasa di langit (Mat 24:7; Mrk 13:8; Luk 21:10-11).

6 Semua ini hanya permulaan yang penuh kesengsaraan (Mat 24:8; Mrk 13:8).

7 PENGANIAYAAN BAGI ORANG KRISTIAN

Kamu sendiri mesti berhati-hati. Kamu akan ditangkap dan dibawa ke mahkamah. Kamu akan dipukul di rumah ibadat. Kamu akan dihadapkan kepada penguasa dan raja kerana kamu pengikut-Ku, lalu kamu akan mengkhabarkan berita baik daripada Tuhan kepada mereka (Mat 24:9; Mrk 13:9; Luk 21:12-13).

8 Apabila ditangkap dan dibawa ke mahkamah, janganlah khuatir tentang apa yang harus kamu katakan. Apabila tiba masanya, katakanlah apa yang diberitahu kepada kamu pada waktu itu. Kata-kata kamu ucapkan itu bukan kata-kata kamu sendiri, tetapi datang dari Roh-Kudus. Aku akan memberikan kata-kata dan kebijaksanaan kepada kamu, sehingga tiada seorang musuh pun dapat melawan atau menafikan kata-kata kamu (Mrk 13:11; Luk 21:14-15).

9 PENGKHIANATAN DALAM KELUARGA

Ramai yang akan tersinggung. Orang akan mengkhianati saudara sendiri supaya dibunuh. Bapa juga akan berbuat demikian terhadap anak-anak. Anak-anak akan melawan ibu bapa dan menyerang mereka supaya dibunuh. Semua orang akan membenci kamu kerana kamu pengikut-Ku. Tetapi sehelai rambut pun di kepala kamu tidak akan hilang. Hendaklah kamu teguh hati, dengan jalan ini kamu akan mendapat hidup sejati (Mat 24:9-10; Mrk 13:12-13; Luk 21:16-19).

10 KASIH AKAN SEMAKIN LENYAP

Kebanyakan orang akan hampir lenyap. Tetapi sesiapa yang bertahan sehingga akhir akan diselamatkan (Mat 24:12-13).

11 BERITA BAIK TENTANG BAGAIMANA TUHAN MEMERINTAH

akan dikhabarkan ke seluruh dunia supaya semua orang mendengarnya. **Setelah itu** supaya barulah tiba akhir zaman (Mat 24:14; Mrk 13:10).

12 BENCANA YANG DAHSYAT DI YERUSALEM

Apabila kamu nampak Yerusalem dikepung tentera, kamu akan tahu bahawa kota itu segera akan dimusnahkan (Luk 21:20). Apabila kamu melihat *bencana yang dasyat* seperti bicara oleh Nabi Daniel, berdiri di tempat suci kepada pembaca: (Hendaklah kamu faham apa maknanya!) Lalu mereka yang di Yudea akan lari ke pergunungan. Orang yang di bumbung rumah janganlah turun dan masuk ke rumah untuk mengambil sesuatu. Orang yang di ladang janganlah balik untuk mengambil jubah (Mat 24:15-18; Mrk 13:14-16; Luk 17:31; 21:21). Alangkah dahsyatnya masa itu bagi wanita yang mengandung dan ibu yang menyusui bayi. Berdoalah kepada Tuhan supaya perkara-perkara ini tidak berlaku pada musim sejuk atau pada hari Sabat (Mat 24:19-20; Mrk 13:17-18; Luk 21:23). Ada orang akan dibunuh dengan pedang, ada lagi orang yang akan dibawa sebagai tawanan ke negeri orang dan bangsa lain akan menginjak-injak Yerusalem sehingga habis masa yang ditetapkan oleh Tuhan untuk mereka (Luk 21:24).

13 MASA KESUSAHAN SEPERTI ZAMAN YAKUB

(Yer 30:6-7) Pada masa itu akan timbul suatu kesusahan yang belum pernah berlaku, sejak Tuhan menjadikan dunia hingga sekarang. Perkara itu pun tidak akan berlaku lagi. Seandainya, Tuhan tidak memendekkan masa itu, kepada umat-Nya yang terpilih Tuhan akan memendekkan masa (Mat 24:21-22; Mrk 13:19-20; Luk 21:23). Maka ini adalah 'Hari Penghakiman', apabila semua yang telah bertulis di

dalam Alkitab akan berlaku (Luk 21:22).

14 MESIAS DAN NABI PALSU AKAN MUNCUL

Pada masa itu jika seseorang berkata kepada kamu, 'Lihat, Penyelamat yang diutus oleh Tuhan ada di sini' atau 'Lihat, di situ'. Janganlah percaya kepada orang itu. Penyelamat palsu dan nabi-nabi palsu akan datang. Mereka akan melakukan mukjizat dan keajaiban untuk menipu orang, jika mungkin umat pilihan Tuhan juga. Berjaga-jagalalah semua perkara itu telah Aku katakan kepada kamu sebelum semuanya berlaku (Mat 24:23-24; Mrk 13:21-23). Jika orang berkata kepada kamu, 'Lihat, dia di padang gurun!' - jangan kamu ke sana. Atau jika mereka berkata 'Lihat dia di dalam bilik!' - jangan percaya. Sesungguhnya, Anak Tuhan akan datang seperti kilat yang memancar di seluruh langit, dari timur sampai ke barat (Mat 24:26-27; Luk 17:23-24).

15 TANDA-TANDA DI LANGIT

Tidak lama selepas kesusahan masa itu, matahari akan menjadi gelap dan bulan tidak lagi bercahaya. Bintang-bintang akan jatuh dari langit, dan kuasa di angkasa lepas akan ditarik daripada peredarannya (Mat 24:29; Mrk 13:24-25; Luk 21:25). Semua negeri di seluruh bumi akan putus asa dan takut menghadapi deru dan gelora laut. Orang akan pengsan kerana ketakutan sementara menantikan apa yang akan berlaku di seluruh bumi, kerana kuasa di angkasa lepas ditarik daripada peredarannya (Luk 21:25-26).

16 KEMUDIAN TANDA KEDATANGAN TUHAN

akan kelihatan di langit. Pada masa itu semua bangsa di bumi akan menangis, ketika melihat Anak Tuhan datang di awan dengan kekuasaan dan kemuliaan yang besar. Trompet akan dibunyikan dengan kuat dan Anak Tuhan akan mengutus malaikat - malaikat-Nya ke empat penjuru bumi untuk mengumpulkan umat pilihan Tuhan dari hujung bumi ke hujung langit (Mat 24:30-31; Mrk 13:26-27; Luk 21:27).



17 Apabila perkara-perkara itu mula berlaku, bangkitlah dan dongaklah ke langit, kerana sekejap lagi kamu akan diselamatkan (Luk 21:28).

18 Dia (Yesus) berkata: "Lihatlah pokok ara dan semua pokok yang lain. Apabila kamu nampak pokok mula berdaun, kamu tahu bahawa musim panas sudah dekat. **Demikian juga apabila kamu nampak perkara-perkara ini berlaku, kamu tahu bahawa Tuhan akan segera memerintah** (Mat 24:32-33; Mrk 13:28-29; Luk 21:29-31). Meskipun demikian, tidak seorang pun mengetahui hari atau waktunya, baik malaikat-malaikat di syurga ataupun Anak; hanya Bapa yang tahu (Mat 24:36; Mrk 13:32).

19 Apabila Tuhan Yesus Kristus kembali ke dunia kelak, keadaan bumi akan berada seperti di **ZAMAN NUH**. Pada masa banjir belum melanda, orang makan dan minum, lelaki dan perempuan berkahwin sehingga pada hari Nuh masuk ke dalam bahtera. Mereka tidak tahu akan apa yang sedang berlaku sehingga banjir membinasakan mereka semua. Demikianlah keadaannya apabila Anak Tuhan datang (Mat 24:37-39; Mrk 17:26-27).

20 Juga seperti **ZAMAN LOT**; orang makan minum, berjual beli, bercucuk tanam dan membina rumah. Tetapi pada hari Lot meninggalkan Sodom, api dan belerang turun dari langit dan membinasakan mereka semua. Demikianlah keadaannya pada hari Anak Tuhan mendedahkan diri (Luk 17:28-30).

21 Ingatlah terhadap isteri Lot. Sesiapa yang berusaha mempertahankan hidupnya akan kehilangan hidup yang sejati, tetapi sesiapa yang mengorbankan hidupnya akan menyelamatkannya (Luk 17:32-33).

22 Percayalah, *pada malam itu* dua orang sedang tidur di atas sebuah katil; seorang akan dibawa dan seorang lagi ditinggalkan. Dua orang wanita sedang menggiling gandum; seorang akan dibawa dan seorang lagi ditinggalkan. Dua orang lelaki sedang di ladang; seorang akan dibawa dan seorang lagi ditinggalkan (Mat 24:40-41; Luk 17:34-36). Pengikut-pengikut Yesus bertanya, "Di mana, ya Tuhan?" Yesus menjawab, "Di tempat ada bangkai, di situ ada burung pemakan bangkai" (Mat 24:28; Luk 17:37).

23 BERJAGA-JAGA DAN BERDOA
Keadaannya seperti seorang yang meninggalkan rumahnya lalu pergi ke tempat yang jauh. Dia menyuruh hamba-hambanya menjaga rumahnya, setelah dia memberikan tugas kepada mereka. Kepada penjaga pintu, dia berpesan supaya berjaga baik-baik. Oleh itu, berjaga-jagalah kerana kamu tidak mengetahui waktunya tuan rumah itu balik; mungkin pada petang hari, tengah malam, subuh atau pada waktu matahari terbit. Jika dia datang dengan tiba-tiba, janganlah kamu didapati tidur (Mrk 13:34-36).

24 Ingatlah hal ini! Jika tuan rumah mengetahui waktunya pencuri hendak datang, dia tidak akan tidur. Dia tidak akan membenarkan pencuri memasuki rumahnya. Oleh itu, kamu pun hendaklah sentiasa bersedia, kerana Anak Tuhan akan datang pada saat yang tidak kamu sangka (Mat 24:43-44).

25 Berjaga-jagalah! Janganlah kamu asyik berpesta dan mabuk atau khuatir akan kehidupan kamu, sehingga kamu tidak bersedia apabila *Hari itu datang* dengan tiba-tiba. Berjaga-jaga dan berdoalah: hari itu akan datang seperti perangkap bagi semua orang di bumi (Mrk 13:33; Luk 21:34-35).

26 Apa yang Saya (Yesus) berkata kepada kamu, Saya berkata kepada semua: Berjaga-jaga dan berdoalah sentiasa supaya kamu mempunyai kekuatan untuk mengatasi semua perkara yang akan berlaku, lalu kamu akan dapat menghadap Tuhan. (Luk 21:36).


27 Ingatlah! Segala perkara ini akan berlaku sebelum orang yang *hidup sekarang ini* mati semuanya. Langit dan bumi akan lenyap, tetapi Firman-Ku kekal selama-lamanya (Mat 24:34-35; Mrk 13:30-31; Luk 21:32-33).

Maha Raja duduk di atas takhta-Nya yang mulia - Tuhan Yesus Kristus akan kembali tidak lama lagi dengan kuasa keagungan-Nya bersama semua malaikat dan Wali-Nya.

Hormatilah Tuhan dan pujilah kebesaran-Nya! Tibalah masanya Tuhan menghakimi manusia. Sembahlah Dia yang menjadikan langit, bumi, laut dan semua mata air
(Wahyu 14:7)

MASA TIDAK AKAN TERTUNDA LAGI! Kerajaan Tuhan sudah dekat. Bertaubatlah dan percayalah akan Injil.

Bersiap-sedialah untuk bertemu Tuhan Tuhanmu.



Injil Tentang Pemerintahan Tuhan

BAHASA MELAYU | MALAY
For non Muslims only



Tontonilah AngelTV
Satellite :INTELSAT17@66Degrees
Band :C
Downlink Frequency :4015.0MHz
SymbolRate :30.000Msps
FEC :3/4
Modulation :DVB-S2&8psk
Polarization :Vertical